

KATTALIN ZURUTUZA ESKISABEL

B Maila | Bertsoa | aipamen saria

Kattalin Zurutuza Eskisabel naiz, Beasaingo ikastolako DBH3. mailako ikaslea. Marraztea, musika, landareak, dantza egitea... Atsegin ditut. Horrez gain, lagunekin eta familiarekin egotea ere gustoko dut. Hainbat urte igaro dira lehiaketa honetarako prosa, bertso, poesiak... idazten hasi nintzenetik, baina, oraindik ere, izugarrizko ilusioa egiten dit bertan parte hartzeko aukera izateak.



LAU EMAKUME EZBERDIN-BERDIN

Doinua: Irun badaukazu zerbait

Hogeita bost urterekin

bukatua dut karrera,

neska gazte bat soilik naiz

lan-merkatuan barrena,

Baina postu bat lortzeko

izan behar dut guapena,

bestela ez dut lortuko

eta hori da zailena,

Tabernetako gizonen

begirada da txarrena

Objektu huts bat bezala,
ikusten naute “haiena”
itxuraren menpe dago
nire etorkizun dena,
gorputza azkenerako
bilakatu zait kondena.

Hamar urte pasa dira
hil zela nire senarra,
Okerra daukat bizkarra
ta eroria bularra,
kaletik jasoaz pena
begiradak barra-barra,
haiek ez dakiten arren,
barruan dut nik sugarra
nire bizitzan lehen aldiz,
ez dut inoren beharra,
gainean erori baitzait
askatasun kazkabarra,
euria ere behar da
ager dadin ostadarra,
gorputza ahul izan arren
indartsu dut irribarra.

Emakume txinatarra
naiz berrogei urterekin,
bi milagarren urtean
iritsi nintzen etorkin,
etxean hainbat arazo
neuzkan diru kontuekin,
honaino etorri nintzen
atzean utzita Pekin,
ordudanik ibili naiz
lanean ekin ta ekin,
gutxi ordaintzen didate
ta bizi naiz haretxekin,
eta horrez gain jendeak
behatzen nau penarekin,
guzti hau hobetzea
espero dut denborakin

Emakumea izatez,
urteak berrogeitama,
bakar-bakarrik bizi naiz
bizkarrean badut zama,
jada irabazia dut
herriko neska zahar fama,
Jendea sarri galdezka

“Ez duzu izan nahi ama?”

haurrik izan nahi ez badut

ez da hainbesteko drama,

badaukat familia bat

ta badaukat nire lana,

hauxe da nire bizitza

hauxe da nire izana,

ta gustuko ez baduzu

ez zaitez hurbil nigana